

Gott nicht erkant hat. Wir Christen aber haben andere Exempel/des Göttlichen Zorns vber die Sünde / nicht allein in der Heiligen Schrift auffgezeichnet : Sondern auch am Himmel vnd in der Luft/auff Erden/ vnd vnter den Menschen.

Also hat vnser lieber Herre Gott/im nechst vergangenem November vnd December, ein öffentlich Patent an den Himmel gehefftet / Nemblich den vngehetoren Cometen/von welchem ich diß Tractätlein/ wolmeinendts vnd auß gutem Herzen/die sichere rucklose Welt zu ermahnen/ in den Druck hab geben wollen. Dasselbe/Durchleuchtiger/Hochgeborner/Gnädigster Fürst vnd Herr / schreibe Ewren Fürstlichen Gnaden ich hiemit/ in demütigster vnterthänigkeit zu/dies weil mir bewust/das E. F. G. nicht alleine der Edlen Astronomiæ, sondern auch mir vnd meinen Studijs ganz gnädig gewogen seindt / vnd also in die alten gnaden Fußstapffen / Ewres Hochsehligen Herren Vatter/gegen mir auch gnädig treten. Darumb ich auch einmal/mit einer offenen Dedication, solche alte Gnade habe vnterthänigst/bey E. F. G. suscitiren, vnd wieder erwecken wollen. Ist derhalben mein vntertheniges vnd demütiges bitten / E. F. G. wolten ferner mein Gnädigster Fürst vnd Herr seyn / vnd dieses Scriptum dedicatum in Gnaden annehmen. Der liebe Gott Segne E. F. Gn. an Seel vnd Leybe/ also / wie das ganze Landt sehnlich wünschet / vnd von Gott Herzlich bittet/ Amen/ Amen.

A iij

Hiemit